



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Acta Ecclesiae Mechliniensis, Anni M. DCC. XVIII. Circa  
Bullam Unigenitus**

**Archidiocèse <Malines>**

**Bruxellis, [1719]**

Exemplar Epistolæ Amplissimi Domini Abbatis Bernensis Ordinis  
Præmonstratensis.

**urn:nbn:de:hbz:466:1-40699**



## EXEMPLAR EPISTOLÆ

*Amplissimi Domini Abbatis Bernensis  
Ordinis Præmonstratensis.*

*Reverendissime, ac Excellentissime Domine*

**Q**Uandoquidem Sanctissimus Dominus Noster Clemens Papa XI. pro vera paterna charitate sua aliquibus jam annis nil non summâ vigiliantia, & sollicitudine egerit, ut Rebelles, & Refractarios suæ Constitutioni *Unigenitus* ad obedientiam & unionem Ecclesiæ reduceret, imo nil intactum reliquerit, quod Christiana, Paterna, & Pontificia sapientia, & charitas excogitare potuit, quod non omni sollicitudine, studiis, laboribus, suasionibus, adhortationibus, mandatis, precibus, ac minis adhibuit: sed quia incredibili lenitate, ac patientiâ tot annis expectans, nil profecit, victus aliquorum Antistitum audaciâ, & contumaciâ, ne malum indiès in pejus vergeret, Apostolicum Breve Spiritu Sancto plenum contra Refractarios illos ac Rebelles cujuscumque statûs, gradûs, Ordinis, dignitatis illi sint, Reverendissimæ, ac Excellentissimæ Gratia Vestrae transmisit, in quo disertissimè profitetur, & declarat, se Rebelles illos, ut veros Romanæ Ecclesiæ Filios non agnoscere, neque Cathedræ Beati Petri adhærere, nec cum Ecclesia communionem Ecclesiasticam illis exstituram.

Quamprimùm Breve hoc Apostolicum Sua Reverendissima & Excellentissima Dominatio accepit, pro sua vigilantia per Pastoralem Epistolam id inter cæteros Nobis significare dignata fuit, simulque hortata, ut hâc occasione omnimodæ obedientiæ pro Bulla *Unigenitus* testimonium dare vellemus, quod hisce promptissimè, & libentissimè facimus.



Declaramus ergo, Nos Bullam *Unigenitus*, ut supra, verè, & sincere admittere, & omnimodam illi obedientiam spondemus, quia per Sanctissimi Domini Nostri Clementis XI. os in hac Bulla Sanctum Petrum locutum credimus. Vilvordiae 23. Novembris 1718.

*F. Leonardus Abbas Bernensis.*


*F. Franciscus Greveraet Expastor.*

*F. Gerlacus Van Malsen Provisor Bernensis.*

Bullam *Unigenitus* verè, & sincere admitto.

*F. Gisbertus de Veer Religiosus Bernensis.*

Plures Excellentissime Domine ex Nostri Religiosis in hac Vestra Diocesi non sunt, sed cæteri omnes in Majoria Sylvæducenti, qui absque dubio dum à suis respectivè Decanis, vel Vicario Apostolico requisiti erunt, libentissimè subscribent. Si sua Excellentia à Nobis aliud requirat, protestor, quòd omnimodè conabor satisfacere, qui in omni respectu, & affectu subscribor Excellentissime Domine. Vilvordiae 24. Novembris 1718. Suxæ Reverendissimæ, & Excellentissimæ Dominationis, Humillimus, & devotissimus Famulus. *Erat signatum.* F. LEONARDUS Abbas Bernensis.



## EXEMPLAR EPISTOLÆ

*Amplissimi Domini Abbatis Ninhovienfis  
Ordinis Præmonstratensis.*

*Excellentissime, ac Illustrissime Domine*  
**P**Rælectâ Epistolâ Pastoralis dilectissimis Confratribus meis tam Beneficiatis, quàm Conventualibus, quam Excellentia Vestra ad Nos mittere dignata